

濟陰綱目

上海錦章書局
出版

濟陰綱目卷之二

吳興 金德生閨風父輯著 金斗 張孫振公武父訂正
西陵 江 淇憺漪子箋釋 天都 查 望于周父參閱

○經閉

○論經閉由二陽之病治宜瀉心火養脾血

潔古曰女子月事不來者先瀉心火血自下也內經曰二陽之病發心脾有不得隱曲故女子不月其傳為風消王
啟玄註曰大腸胃熱也心脾受之心主血心病則血不流脾主味脾病則味不化味不化則經不足故其病則不能
隱曲脾土已虧則風邪勝而氣愈消也又經曰月事不來者胞脉閉也胞脉屬於心絡於胞中今氣上迫肺心氣不
得下通故月事不來先服降心火之劑後服局方中五補丸後以衛生湯治脾養血也

○論經閉不行有三治宜補血瀉火

東垣曰經閉不行有三婦人脾胃久虛形體羸弱氣血俱衰而致經水斷絕不行或病中消胃熱善食漸瘦津液不
生夫經者血脈津液所化津液既絕為熱所燥肌肉漸瘦時見渴燥血海枯竭病名曰血枯經絕宜瀉胃之燥熱補
益氣血經自行矣此病或經通行而有子子亦不成而為胎病者有矣此中焦胃或心包絡脉洪數躁作時見大便
秘澀小便雖清不利而經水閉絕不行此乃血海乾枯宜調血脉除包絡中火邪而經自行矣此下焦胞或因勞心
心火上行月事不來者胞脉閉也胞脉者屬於心而絡於胞中今氣上迫肺心氣不得下通故月事不來宜安心補
血瀉火經自行矣肺熱結也

婁氏曰右東垣潔古治血枯之法皆主於補血瀉火也補血者四物之類瀉火者東垣分上中下故火在中則善食
消渴治以調胃承氣之類火在下則大小便秘澀治以玉燭之類玉燭者四物與調胃承氣等分也火在上則得於
勞心治以芩連及三和之類三和者四物涼膈等分也潔古先服降心火之劑者蓋亦芩連三和玉燭之類後服五
補衛生者亦補氣之劑也

○論經閉因肝勞血傷

此病機也宜知

瀉心火養脾血是從
本文之義愚謂當原
隱曲推解蓋人有隱
情曲意難以舒其衷
者則氣鬱而不暢則
心氣不開脾氣不化
水穀日少不能變化
氣血以入二陽之血
海矣血海無餘所以
不月也傳為風消者
陽明主肌肉血不足
則肌肉不榮其不消
瘦平風之名火之化
也故當根不得隱曲
上看乃有本
宜方固有法然不必
太泥因人易報可也
據此論當有四證如
胃熱包絡熱旁心熱
三經皆有餘宜瀉火
養血是矣而所言脾
胃久虛致經水斷絕
一証又當以補脾胃
為主豈得捨而勿論
耶蓋水入於經其血
乃生投入於胃脉道
乃行水去榮散積消
衛亡死脾統諸經之
血而以久虛之脾胃
以故氣血俱衰者可
不食之補益乎即此
以愈愈實明是四證
無不盡全善乃道
補證何歟

61

胸脇滿證人皆伐肝
肝血也當須識此

既分肝脾當分兩治

發所本發極是但有
肝氣凝滯以致脾土
失運不能化血者又
須和肝氣為要學者
知之

此用膏者亦不妨
以其清氣中熱也暗
室一紙

亦須兼脾蓋胃陽勝
陰主治有異也

駱氏曰經云有病胸脇滿妨於食病至則先聞腥臊臭出清液先唾血四肢清目眩時時前後血病名曰血枯此
年少時因大脫血或醉而入房虧損腎肝蓋肝藏血受天一之氣以為滋榮其經上貫膈布脇肋若脫血失精肝氣已
傷肝血枯涸不榮而胸脇滿妨於食則肝病轉脾而聞腥臊臭出清液若以肝病而肺乘之則唾血四肢清目眩時
前後血出皆肝血傷之症也

○論經閉因勞當大補脾胃

良方云婦人月水不通或因醉飽入房或因勞役過度或因吐血失血傷肝脾但滋其化源其經自通若小便不
利若頭眩痛腰痛背作痛足寒時痛久而血結於內變為癥瘕若血水相併脾胃虛弱壅滯不通變為水腫若脾氣衰
弱不能制水漸漬肌肉變為腫滿當益其津液大補脾胃方可保生王節齋曰婦人女子經脉不行多有脾胃損傷
而致者不可便認作經閉死血輒用通經破血之藥遇有此證便須審其脾胃如何若因飲食勞倦損傷脾胃少食惡
食泄瀉疼痛或因誤服汗下攻剋藥傷其中氣以致血少而不行者只宜補養脾胃用白朮為君茯苓芍藥為臣佐
以黃芪甘草陳皮麥芽川芎當歸柴胡等分脾肝藥能生血而經自行矣又有飲食積滯致損脾胃者亦宜消積補
脾若脾胃無病果有血塊凝結方宜行血通經

○論室女經閉成勞因思慮傷心

寇宗奭曰夫人之生以氣血為本人之病未有不先傷其血氣者若室女童男積想在心思慮過度多致勞損男子
則神色消散女子則月水先閉蓋憂愁思慮則傷心而血逆竭神色先散月水先閉且心病則不能養脾故不嗜食
脾虛則金虧故發嗽腎水絕則木氣不榮而四肢乾痿故多怒鬢髮焦筋骨痠若五臟傳遍則死自能改易心志用
藥扶持庶可保生切不可用青蒿蟲蟲等涼血行血宜用栢子仁丸澤蘭湯益陰血制虛火

薛氏曰經云五穀入於胃其糟粕津液宗氣分為三隧故宗氣積於胸中出於喉嚨以貫心肺而行呼吸榮氣者泌
其津液注之於脉化以為血以榮四枝內養五臟六腑若服苦寒之劑復傷胃氣必致不起

一室女年十七病久不愈天癸未通發熱咳嗽飲食少思欲用通經丸余曰此蓋因稟氣不足陰血未充故耳但養
氣血益津液其經自行彼惑於速効仍用之余曰非其治也此乃剝悍之劑大助陽火陰血得之則妄行脾胃得之

既有避年之名不必強求其治

分耗也

據此吐法能學子和者則可在他人則不可用吐固是妙法然而體虛者不宜

惟有歲者可用亦須形病俱實

形盛氣實病其葯當熱非輕試之法慎之

則愈虛後果經血妄行飲食愈少遂致不起

脉經云有一婦將一女子年十五時來診言女子年十四時經水自下今經反斷其母言恐怖師曰若是夫人親女必夫人年十四時亦以經水下所以斷此為避年勿怪後當自下此真氣猶怯稟賦素弱而然也宜固天元真氣使水升火降則五臟自和而經脉通矣

○論經閉因積冷結氣

要略曰婦人之病因虛積冷結氣為證經水斷絕至有歷年血寒積結胞門寒傷經絡凝堅在上嘔吐涎唾久成肺癰形體損分在中盤結繞臍寒疝或兩脇疼痛與臟相連或結熱中病在關元脉數生瘡肌若魚鱗時着男子非止女身在下未多經候不勻令陰掣痛小腹惡寒或引腰脊下根氣衝氣衝急痛膝脛疼煩奄忽眩冒狀是厥顛或有憂慘悲傷多嗔此皆帶下非有鬼神久則羸瘦脉虛多寒三十六病十變萬端審脉陰陽虛實緊弦行其鍼藥治危得安其雖同病脉各異源子當辯記勿謂不然

○論經閉因痰飲所隔

張子和云凡婦人月事不來用茶調散吐之次用玉燭散為歸湯三和湯桂苓白朮散之類降心火益腎水開胃進食分陰陽利水道之藥也

一婦人月事不行寒熱往來口乾煩赤飲食少旦暮間咳一二聲諸醫皆用蠶蟲水蛭乾漆硃砂羌青紅娘子沒藥血竭之類惟戴人不然曰古方雖有此法奈病人服之必臍腹發痛飲食不進乃命止藥飲食少進內經曰二陽之病發心脾心受之則血不流故女子不月既心受積熱宜抑火生水流通潤燥開胃誘食乃涌出痰一二升下泄水五六行濕水上下皆去血氣自然滑流月事不為水濕所隔自依期而至矣亦不用蠶蟲水蛭之類有毒之藥如用之則月經總來小洩反閉他證生矣凡精血不足宜前之以食大忌有毒之藥偏勝而致天關多矣

一婦人年二十四歲經水不行寒熱往來面色痿黃唇焦頰赤時咳三二聲問其所服之藥黑神散烏金丸四物湯燒肝散驚甲散建中湯甯肺散鍼艾千百轉劇家人意倦不欲求治戴人憫之先涌痰五六升午前涌畢午後進食餘證悉除後二日復輕涌之又去痰一二升食益進不數日又下通經散瀉痰一二升數日去死皮數重小者如贅

片大者如葦膜不月餘經水自行神氣大康矣

○論下利經斷利止經來

脉經曰婦人下利而經水反斷者何也師曰但當止利經當自下勿恠所以利不止而經斷者但下利亡津液故經斷利止津液復經當自下若婦人血下咽乾而不渴其經必斷此榮不足本自有微寒故不引飲渴而引飲者津液得通榮衛自和其經必復下

○論經閉總因血滯血枯

驚則氣亂故錯經妄行
怒則氣逆上冲甚則
血
總結

以肝藏血肺主氣也

李氏曰婦人以血為主天真氣降土癸水合腎氣全盛血脉流行當以三旬一見以象月盈則虧故曰月經經行與產後一般若其時餘血一點未盡或外被風寒及濕冷暑熱邪氣或內傷生冷七情鬱結為痰凝積於中曰血滯或經止後用力太過入房太甚及服食燥熱以致火動邪氣盛而津液衰曰血枯良方云經後被驚則血氣錯亂妄行逆於上則從口鼻而出逆於身則血水相搏變為水腫急怒則氣血逆於腰腿心腹背脇手足之間重病經行則發過期則止怒積傷肝則有眩暈嘔血瘰癧血風瘡瘍等病加之經血滲漏於其間遂成竅血生瘡淋瀝不斷濕熱相搏遂為崩帶血結於內變為癥瘕凡此變證百出不過血滯與枯而已但血滯亦有虛熱血枯亦有虛熱故重則經閉不通以滯枯分言輕則經水不調止言虛與熱而已○血滯經閉宜破者原因飲食毒熱或暴怒凝瘀積痰直須大黃乾漆之類推陳致新俾舊血消而新血生也○血枯旺血枯起於勞役憂思却宜溫和滋補或兼有痰火濕熱尤宜清之涼之每以肉桂為佐者熱則血行也但不可純用峻藥以虧陰道至於耗氣益血之說雖女科要法但血為氣配氣熱則熱氣寒則寒氣升則升氣降則降氣行則行氣滯則滯如果鬱火氣盛於血者方可單用香附丸散抑氣散當加木香檳榔枳殼以開鬱行氣若氣亂則調氣冷則溫氣虛則補男女一般陽生則陰自長氣衰則血亦涸豈可專耗其氣耶論者多泥叔和血旺氣衰不知叔和論肝肺二脉則宜肝旺於肺其實氣血平和有孕故繼曰兩臟通和但婦人見偏性鄙婢妾志不得伸鬱怒無時不起故香附為女人仙藥經曰邪氣勝則實正氣奪則虛可不悟諸大概只虛熱痰氣四證而已不調亦大相同隨證調治飲食調和自然血氣流通更有凝滯然後可用紅花當歸散紫葳散通經丸導經丸之類虛者只用當歸散以通之通後又須養血益陰使津液流通苟不悟氣血充

生血在補脾胃調飲
食適寒溫所謂脾旺
則能生血也至於心
氣結者臣調心又為
心主血也

惟心病氣實實熱者
方可

此治勞心之實熱也
如心虛而熱收於內
與夫心虛而上炎者
不宜妄用

以醋熬大黃作膏引
之入肝以行血也四
方俱用大黃而配合
不離四物自有輕重
緩急不同宜加詳之
心胞是多血之經此
胞脈當指心胞而言
熱地以補天一之水
人參以生天一之氣
所謂水生於氣也然
氣不降則水不凝

和而惟以毒藥攻通是求千金於乞丐必死而後已

論經閉大法

丹溪云經不通或因墮胎及多產傷血或因久患潮熱銷血或因久發盜汗耗血或因脾胃不和飲食少進而不生血或因痢疾失血治宜生血補血除熱調和之劑隨證用之或因七情傷心心氣停結故血閉而不行宜調心氣通心經使血生而經自行矣

○脉法

脉經曰腎脈微瀯為不月

經閉脉法備前調經閉當參看

○治血枯經閉

玉燭散

治胃熱消渴減食漸瘦津液為熱燥竭以致血海乾枯

此即四物湯與調胃承氣湯合方也

當歸

川芎

白芍藥

地黃

大黃

芒硝

甘草

各等

右剉每服八錢水煎食前服

三和湯

治勞心火上行以致胞脉閉塞月事不來

此即四物湯與涼膈散合方也

當歸

川芎

白芍藥

地黃

大黃

朴硝

黃芩

梔子

連翹

薄荷

甘

草各等

右剉每服八錢水煎服

二黃散

治婦人室女經脉不通服之如神

大黃

燒存性

生地黃

三錢

右為末作一服空心好酒調下

二氣丸

治月水不調斷絕不產面黃肌瘦憔悴不思食有燥熱以柴胡引子相參服之

大黃

四兩另為末醋一升慢火熬為膏子

當歸

白芍藥

各二兩

右為末以膏子和丸如桐子大每服二十九淡醋湯下

食前服日進三服

五補丸

補諸虛安五臟堅骨髓養精神凡胞脉閉先服降心火之劑後服此丸及衛生湯以治脾養血也

熟地黃

人參

牛膝

酒浸去蘆焙乾

白茯苓

地骨皮

各等

右為細末煉蜜丸如桐子大每服三五

十九空心溫酒下

衛生湯

當歸

白芍藥各二兩

黃芪 三兩

甘草 一兩

右為末每服半兩水二盞煎至一盞空心溫服○如

虛者加人參一兩

潔古先服降心火之劑者蓋亦參連三和玉燭之類後服五補衛生者亦補氣之劑也

柏子仁丸

治血虛有火月經耗損漸至不通日漸羸瘦而生潮熱並治室女思慮成勞經閉慎勿以毒藥通之宜

此兼服澤蘭湯

柏子仁

牛膝 酒洗

卷柏 各半兩

澤蘭葉

續斷 各二兩

熟地黃 三兩酒浸半日石臼內搗成膏

右為

細末煉蜜丸如桐子大空心米飲下三十九

澤蘭湯

治證同前 妙在澤蘭為君

澤蘭葉

當歸 酒洗

芍藥 炒各一兩

甘草 五錢

右為粗末每服五錢水二盞煎一盞溫服

加味補中益氣湯

治飲食勞倦損傷脾胃氣弱體倦發熱作渴飲食減少而不生血者

黃芪

人參 甘草 炙

白朮

當歸

陳皮 各一錢

升麻

柴胡 各三錢

生地黃

天花粉 各八分

右剉作一服水煎服

十全大補湯

治虛胎及多產育傷血或誤服汗下剋伐之藥以致血衰氣乏而經不行者

人參

白朮 白茯苓

甘草 炙

當歸

川芎

白芍藥

熟地黃

黃芪

肉桂

錢二

右作一服水煎服

養真湯

治婦人經閉不通臍下有塊已經三載百藥無效服此數劑經行又投數劑而塊消矣

當歸

酒洗

川芎

白芍藥

熟地黃 薑汁

白茯苓

陳皮

梔子 炒

山茱萸 去核

益母草

小茴香 酒炒

香附子 醋浸炒 各等分

右剉每服一兩水煎服

五六劑後經通作丸服

○治血凝經閉

溫經湯 治經道不行繞臍寒痛徹其脉沉緊此由寒氣客於血室血凝不行為氣所衝新血與故血相搏所以

用白茯苓以降天氣地氣及以清氣中之火牛膝引之下行此土方之大意也
五補丸補水之源衛生湯行已生之血蓋地黃茯苓人參俱補氣之不足而黃芪甘草又益表氣之不足當歸芍藥行肝血之不足有先後天之意焉
夫血生於心心火旺則津枯而血不化故用柏子仁以潤心而生津火位之下水氣承之故用熟地黃以滋其四味皆正血脈而續絕者也
若胃寒而色不佳者去生地花有虛火者宜知
此在澤蘭為君

此方溫補氣血為主所謂勞者溫之損者溫之是也上十一方重在血枯一字凡通經消塊俱用破氣劑堅大熱大毒之調氣血肝散結氣暖下元之藥等分而又以山梔涼藥佐之何也俱開山梔能治塊中之火未開能治三

此溫行之劑也以四物去地黃恐礙帶耳

人多得官桂前能溫
行故胎之然諸痛忌
參末亦有不必用者
此皆破血之藥然血
用川芎以行血一之
明之經者以血海肆
平陽明也
此與前方不遠而
青皮桃仁乃厥陰肝
經藥要分別此義

總是破血行經藥而
發熱二字實略之即
丹皮涼血而官桂白
非濕熱之味乎蓋重
在不行而不重在熱
也藕藕酒洗酒浸酒
煎之法然乎否乎姜
黃我末又兼在氣在
肝之經
專主血閉曾借此以
治婦人血塊作痛有
效

專主在脉絡

作痛宜此湯與桂枝桃仁湯

當歸 川芎 芍藥 官桂

牡丹皮

蓬朮各一錢

人參

牛膝各一錢

甘草各五分

右咬咀水二鐘煎至一鐘不拘時服

桂枝桃仁湯 治證同前

○方見調經門 疼痛條

紅花當歸散 治婦人經候不行或積瘀血腰腹疼痛及室女月經不通

紅花

當歸尾

紫葳

牛膝

蘇木剉細

甘草各十兩

赤芍藥各九兩

劉寄奴各五兩

桂心

白芷各一兩半

右為細末空心熱酒調下三錢食前臨臥再服 若久血不行濃煎紅花酒下孕婦勿服

一名凌膏花即紫葳

行經紅花湯 治婦人室女經候不行時作脹痛

當歸尾

赤芍藥

紫葳

劉寄奴

牛膝

玄胡索

紅花

蘇木

桃仁各一錢

青皮

香附各八分

桂心五分

右作一服水煎空心服

凌花散 治婦人月水不行發熱腹痛

當歸

赤芍藥

凌膏花

劉寄奴

牡丹皮酒洗

玄胡索

官桂

白芷

紅花酒浸各等

分

右咬咀每服四錢水一盞酒半盞煎服

瑞金散 治婦人血氣撮痛月經不調

片薑黃四兩

當歸

赤芍藥

川芎

牡丹皮

蓬朮

延胡索

官桂

紅花各二兩

右咬咀每服八錢水一盞酒三分煎八分食前服

土牛膝散

治婦人室女血閉不通五心煩熱

土牛膝

當歸尾各一兩

桃仁去皮麴炒

紅花各半兩

右為細末每服三錢空心溫酒下

當歸散 治血脉不通

此專在氣

此脹滿根血瘀來

類濁陰之物以破久積之血佐溫熱之味以行停滯血氣蓋為氣血流也

妙在以生地汁製破血藥大有見解

不用蜜蠶水蛭斑蝥之類是重劑中之輕者最穩

水蛭須炒十分熟蓋生則害人也

此涼行之劑血因熱結者宜之

當歸

穿山甲微炒

蒲黃炒各半兩

辰砂另研一錢

麝香少許

右為細末研勻每服二錢食前熱酒調下

琥珀散 治心膈迷悶腹臟撮痛氣急氣悶月信不通等疾

天台烏藥二兩

當歸

蓬朮煨切各一兩

右為細末每服二錢溫酒調下後以食鹽之忌生冷油膩

產後諸疾炒薑酒調下

桃奴飲子

治婦人室女月經不通漸成脹滿及治男子墜馬跌撲損傷以致瘀血停積欲成血蠱病者悉皆治之

桃奴桃樹上嫩桃乾朽不落者冬月及正月收鼠糞兩頭尖者是玄胡索

五靈脂

肉桂

香附子

砂仁

桃仁去皮尖另研各等分

右為細末每服三錢空心溫酒調下

萬病丸

治經事不來繞臍寒疝痛

乾漆杆研炒烟盡須青自如此一時牛膝去苗酒浸一宿

右為末以生地黃汁一升入二藥末銀器內慢火熬可丸即如桐

子大每服二九空心米飲或酒下

以上諸方俱輕劑隨寒熱選用

通經丸

治經閉不通及血塊疼痛

歸尾

桃仁去皮尖

大黃煨

牡丹皮

乾漆炒烟盡

肉桂

牛膝

莪朮各一兩

三棱

醋炒五錢

麝香分八

右為末皂角五錢羌花二錢水煎糊為丸如桐子大每服五十丸米湯下

產寶方 治月經不通腹中痛

牛膝六分

大黃

桃仁去皮尖

細辛各五分

川芎

當歸各四分

水蛭三分糯米炒黃

右為細末煉蜜丸桐子大每服二十丸空心溫酒下

千金桃仁煎

治血積瘡癰月水不行

大黃濕紙裹

桃仁去皮尖

朴硝各二兩

蜜蟲一兩去足翅炒黑

右為細末醋二升半銀石器中慢火熬膏却

入大黃蜜蟲桃仁末不住攪度可丸却入朴硝再攪良久出之丸如桐子大五更初溫酒下五丸至日午取下

按方廣云月完不通
有血虛者血枯者此
方用之於血枯是求
十全於乞之矣審之
以破血苟非血塊不
宜用

乾血氣者熱也故用
大黃苦味解熱通經
其加當歸頭香附者
一榮血一調氣也在
人日擇之
單行血脈最穩當

此方類聚大熱之約
非因寒凝氣滯血結
成痼者不可服

此方平中有奇註疾
之法從妄語來

如赤豆汁雞肝豎蔓衣樣候鮮紅住仍以調氣藥補之

血和通經丸 治婦人經水凝滯不行腰背臍腹疼痛漸成血塊

芍藥兩 當歸三錢 木香 肉桂 乾漆炒烟 五靈脂 大黃 黃芪煨各半兩 水蛭炒二錢半

斑苗通經丸 治經候閉塞亦治乾血氣

斑苗二十個 糯米炒 桃仁四十九個 大黃五錢 錦紋者 右為細末酒糊為丸如桐子大空心酒下五丸甚者十丸 如血枯

經閉者用四物湯送下 一方加蜜蟲半錢水蛭一錢

大黃膏一名將 治婦人乾血氣

川大黃四兩為末用醪醅熬成膏子丸如雞頭大每服一丸酒化開臨臥溫服大便利一二行紅脉自下是調經之

仙藥也 一方加當歸頭 一方加香附二兩童便浸炒為末入膏丸桐子大熱酒下四十九

聖惠方 治婦人月水澁滯不快結成瘕塊脹大欲死

馬條草根苗五觔剉細水五斗煎至一斗去渣別以淨器盛熬膏食前溫酒調下半匙

通經丸 治婦人室女月候不通或成血瘕

當歸 桂心 青皮 乾姜炒 川椒炒出 川烏炮 蓬莪朮 乾漆炒烟 大黃炮

桃仁各等分 右為末先將四分用米醋熬成膏和餘六分成劑白中杵丸如桐子大晒乾每服二十

丸用淡醋湯下加至三十九丸溫酒亦得空心食前服○濟生方去川烏加紅花本草入雞子清同丸畏漆入腸胃生瘡也

○以上諸方俱重劑隨寒熱醫酌用

○治痰結經閉

丹溪方 治積痰傷經不行夜則妄語

瓜蒌子二兩 黃連半兩 吳茱萸十粒 桃仁五十枚 紅麴二錢 縮砂三兩 山查末一兩 右為末生

薑汁研炊餅為丸每服百丸空心滾白水下

齊 會 岡 目 卷二 經閉

此治胃實痰成之藥
非為降心火也其通
經止取四物湯中一
味之最當者思之思
氣上迫肺是言心火
上炎迫金金不降而
生水宜降心火為主
以制陽光亦是巴豆
大毒能無傷乎

即寄專意

法固巧然必果有乾
血在子宮者可明

一方 治月水不通屢試有驗形實氣盛者宜之
厚朴不拘多少薑汁炙香細切濃煎去渣空心服不過三四劑瘥
加味導痰丸 治軀脂經閉

半夏 陳皮 白茯苓 甘草 枳實 黃連 川芎 右加生薑水煎服
經云氣上迫肺則心氣不得下通故月事不來今用連朴之類導痰降火使不上迫於肺故心氣下通而月事
來也

堂中金丸 治婦人乾血

穿山甲 炮 甘草 苦丁香 川椒 苦葶藶 白附子 猪牙皂角 草烏頭各三錢

巴豆一錢全用研 右為細末以生薑絞汁和丸彈子大每用一丸新棉包之納陰中一日即白二日即赤三日即

血神效

樊石丸 治婦人經水閉不利臟堅癖不止中有乾血下白物

礬石燒三錢 杏仁一分 右二味末之煉蜜丸棗核大內陰中劇者再納之

一粒仙丹 治婦人乾血勞並赤白帶下種子如神

巴豆一百二十個去殼用新磚一個將豆紙斑貓去翅足 穿山甲五錢油煎過 大黃 苦葶藶各一

皂角粗皮火炮 右各為末合一處以棗煮去皮核丸如彈子大用棉繭張開裏藥在內穿入三寸竹筒上頭

後仍留二三寸餘挽一轉不令藥氣在外用時先以溫水洗陰內令潔淨拭乾却以蔥汁浸濕藥頭送入子宮

極深處整一日一夜取出藥不用少問耳冷氣下發寒發熱如傷寒狀不怕飲食任意食用無妨半日即通或

鮮血或死血一切惡物悉下忌生冷發物自此子宮和煖而交媾則有孕矣

通經下取方 曾試驗神效

海蛤粉錢五 苦葶藶 牙皂錢各二 巴豆各去 天花粉錢五 苦丁香 紅娘子錢各一
麝香少許 右為細末每用一錢蔥汁同搗為丸薄綿裹以五寸竹管納陰戶中候熱時先通黃水次則經行

○血崩

○論崩中由傷損衝任

良方論曰婦人崩中由臟腑傷損衝任血氣俱虛故也衝任為經脉之海血氣之行外循經絡內榮臟腑若無傷損則陰陽和平而氣血調適若勞動過多致臟腑俱虛而衝任之氣亦虛不能約制其經血故忽然暴下或由陰陽相搏為熱所乘攻傷衝任血得熱則流散甚者至於昏悶其脉數疾小為順洪大為逆大法當調補脾胃為主

○論血崩與虛熱

東垣曰陰虛陽搏謂之崩婦人脾胃虛損致命門脉沉細而數疾或沉弦而洪大有力寸關脉亦然皆由脾胃有虧下陷於腎與相火相合濕熱下迫經漏不止其色紫黑如夏月腐肉之臭中有白帶者脉必弦細寒作於中有赤帶者其脉洪數病熱明矣必腰痛或臍下痛臨經欲行而先發寒熱往來兩脇急縮兼脾胃證出見或四枝困熱心煩悶不得眠臥心下急宜大補脾胃而升降氣血可一服而愈或先貴而後賤或先富而後貧病名脫營者心氣不足其火大熾旺於血脉之中又致脾胃飲食失節火乘其中形質肌肉顏似不病者此心病也不形於脉故脾胃飲食不調其證顯矣而經水不時而下或適來適斷暴下不止治當先說惡死之言勸諭令懼死而心不動以大補氣血之藥補養脾胃微加鎮墜心火之藥治其心補陰瀉陽經自止矣痿論云悲哀太甚則胞絡絕胞絡絕則陽氣內動發則心下崩數澀血也故本病曰大經空虛發則肌痺傳為脉痿此之謂也

薛氏曰經云陰虛陽搏謂之崩又云陽絡傷血外溢陰絡傷血內溢又云脾統血肝藏血其為患因脾胃虛損不能攝血歸源或因肝經有熱血得熱而下行或因肝經有風血得風而妄行或因怒動肝火血熱而沸騰或因脾經鬱熱血傷而不歸經或因悲哀太過胞絡傷而下崩治療之法脾胃虛弱者六君子湯如當歸川芎柴胡脾胃虛陷者補中益氣湯加酒炒芍藥山梔肝經血熱者四物湯加柴胡山梔蒼朮肝經風熱者如味逍遙散或小柴胡湯加山梔芍藥牡丹皮若怒動肝火亦用前藥脾經鬱火者歸脾湯加山梔柴胡牡丹皮良傷胞絡者四君子湯加柴胡升

何以知肝經有風

薛氏所論凡七條而脾經三條肝經三條胞經一條皆成合法用及梔芍丹皮者以厥陰手足二經為多厥陰血之所血為熱迫則不能從陽而起故以引起肝氣而如東垣升陽主經之意

東垣以白帶為寒脉以弦細為診固是說而後此率以為溫熱須點之此雖點出脾胃症而煩心下急又有虛火矣心主以營故曰心病陽氣內動便是胞絡中有火

尤得其妙所定脾胃
方約必是久病又顯
出脾胃證者宜之蓋
立論先生治久病者
多故其立言如此且
謂四君為血證收功
須用則非初治之法
可知立論一生得力
處在此

愚謂止血之中須寓
清涼而清涼之中又
須破瘀解結至於補
血還舊又須調脾其
間兼證或有不同又
當得其所而治焉
似難盡一也
開口便得經旨自是
不凡

此大寒之劑惟實熱
症可非前證之誤不
可

即陰虛陽搏之治

關原作系

所見証俱屬肝脾宜
審之以脾症而用芪
神遠志何也蓋所謂
補脾不愈而當補心
嗽若然則陳皮亦不
可少

此左金丸法

方症合宜而以四劑
全消恐無是速

留去脾熱生風而下
陷者宜用防風條苓

脉洪大察其中有胃氣受補則可救設用寒涼之藥復傷脾胃生氣反不能攝血歸源是速其危也

方氏曰血屬陰也靜則循經榮內動則錯經妄行蓋人之七情過極則動五志之火五志之火亢甚則經血暴下失期而來久而不止謂之崩中如風動木搖火燃水沸類也治崩次第初用止血以塞其流中用清熱涼血以證其源末用補血以還其舊若止塞其流而不澄其源則治天之勢不能遏若止澄其源而復其舊則孤子之陽無以立故本末勿遺前後不紊方可言治也

張子和云孟官人母五十餘血崩一載僉用澤蘭丸黑神散保安丸白薇散補之不效戴人見之曰天癸已盡本不當下血蓋血得熱而流散非寒也夫女子血崩多因大悲哭甚則肺葉布心系為之急血不禁而下崩內經曰陰虛陽搏謂之崩陰脉不足陽脉有餘數則內崩血則下流舉世以虛損治之莫有知其非者可服大劑大劑者黃連解毒湯是也次以香附二兩炒白芍藥二兩焙當歸二兩焙三味同為酒水煎調下又服檳榔丸不旬日而安

西園公治一婦人年六十二歲血崩不止投黃連解毒湯四貼後服涼膈散合四物湯六貼即愈此婦因悲哀太過則心悶急肺布葉舉而上焦不通熱氣在中血走而崩故效

薛氏曰一婦人年將七十素有肝脾之經每作則飲食不進或胸膈不利或中脘作痛或大便作瀉或小便不利余用逍遙散加山梔茯苓神遠志木香而愈後憂女孀居不時吐紫血其病每作先倦怠而後發熱經曰積憂傷肺積思傷脾脾布葉舉是令子母俱病不能攝血歸經而致前證遂以前藥加炒黑黃連三分吳茱萸二分頓愈後因怒吐赤血甚多躁渴垂死此血脫也法當補氣乃用人參一兩苓朮當歸各三錢陳皮炮黑乾薑各二錢炙草木香各一錢一劑頓止

一婦人年六十四久鬱怒頭痛寒熱春間乳內作痛服流氣飲之類益甚不時有血如經行又大驚恐飲食不進夜寢不甯乳腫反兩脇焮痛如炙午後色赤余以為肝脾鬱火血燥先以逍遙散加酒炒黑龍膽一錢山梔一錢半二劑腫痛頓退又二劑而全消再用歸脾加炒黑梔貝母諸症悉愈

一婦人因怒崩血久不已面青黃而或赤此肝木制脾土而血虛也用小柴胡合四物以清肝火生肝血又用歸脾補中二湯以益脾氣生肝血而瘥此症若因肝經有風熱而血不甯者用防風一味為丸以兼證之藥煎送或肝經

是大腸經的藥胡則治厥陰

芍藥梔子散是厥陰病白茯苓是平肝藥脾病兼肝故用法如此若血分有熱當加丹皮山梔

陽盛是言陽邪盛於內故可下陰盛是言寒邪盛於外故可汗

用勝也

風勝濕正是舉下陷之氣今人以爲風來則乾之意非也

火動而血不甯者用條芩炒為丸以兼證之藥煎送無有不效
一婦人性急每怒非太陽耳項喉齒胸乳作痛則胸滿吞酸吐瀉少食經行不止此皆肝火之證肝自病則外證見土受尅則內證作若自病見用四物加白朮茯苓梔子炒龍膽若內證作用四君子加柴胡芍藥神曲吳茱萸炒過黃連諸證漸愈惟月經不止是血分有熱脾氣尚虛以逍遙散倍用白朮茯苓陳皮又以補中益氣加酒炒芍藥兼服而調

○論氣陷血脫法當升舉

東垣云一婦人經候黑血凝結成塊左廂有血瘕水瀉不止穀食有時化有時不化至今歲四月血塊暴下併水注俱作是前後二陰有形之血脫竭於下既久經候尤不調水瀉日見兩三行食罷心煩不快飲食減少甚至瘦弱東垣先生曰夫聖人治病必本四時升降沈浮之理權變之宜若不本四時以順為逆非其治也且治之大法必先藏氣無伐天和無盛盛無虛虛遺人天殃無致邪無失正絕人長命故聖人云陽盛陰虛下之則愈汗之則死陰盛陽虛汗之則愈下之則死大抵聖人立法各自有義且如升陽以發散之劑是助春夏之陽氣令其上升乃瀉秋收藏肅殺寒涼之氣此病是也當用此法治之乃升降浮沈之至理也夫天地之氣以升降浮沈乃從四時如治病逆之則殺人矣故經云順天者昌逆天者亡可不畏哉夫人之身亦有天地四時之氣不可止認在外人體亦同天地也今經漏不止是前降之氣血已下脫矣水瀉又數年不愈是後陰之氣血又下陷矣後陰者主有形之物也前陰者精氣之門戶俱下竭是病人周身之氣常行秋冬之令陰主殺此等收藏之病是也陽生陰長春夏是也在人身之中令氣升浮者穀氣上行是也既病則周身血氣皆不生長穀氣又不升其肌肉消長是兩儀之氣俱將絕矣既元二陰俱脫血氣消竭假令當日先是熱證今下焦久脫已化為寒矣此病久沈久降矣濕太勝當急救之瀉寒以熱降濕以燥大升大舉以助生長補養氣血不致偏枯聖人立治之法云濕氣大勝以所勝助之助甲風木上升是也故經云風勝濕是以所勝平之也當調和胃氣次補白朮之類以燥其濕而滋元氣如其不止後用風藥以勝濕此之謂也此便是大舉大升以助春夏二濕久陷下之治也又一本云此病次用四物隨濕證加減

論血瘀腹痛法當收止

齊

卷二

氣陷血脫法當升舉 過服寒涼法當溫補

七

震靈丹能止能行非
元稹不能道不能用

有此特見

妙論

非久服氣脫者不能
用以下皆止治之法而
蟹殼早麻又有破血
之能

種種得效如此治法
自有知者

因熱發熱不主于附
而專溫補脾胃頗得
治本之法然以前中
寒之症方藥迥別又
孰是耶均一寒涼過
劑而方藥應用不同
孰皆不捨姜附是必
有通又兩服之而愈
一不聽而後可不知
所集之意哉

案証細密自是老手

戴氏曰血大至曰崩中或清或濁或純下瘀血成腐勢不可止證狀非一所感亦異甚則頭目昏暈四肢厥冷宜
膠艾湯嘔震靈丹佐以三灰散或以童子小便煎理中湯或以沈香降氣湯加入百草霜米飲調下血崩甚而腹痛
人多疑惡血未盡又見血色瘀黑愈信惡血之說不敢止截大凡血之為患欲出未出之際停在腹中即成瘀色難
盡以瘀為惡又焉知瘀之不為虛冷乎若必待見瘀血之後截之恐併與人無之矣此腹痛更有說瘀而腹痛血通
而痛止崩而腹痛血往則痛止宜芎歸湯加乾薑熟附一錢止其血而痛自止仍以刺花繡拭黑片燒灰研末米飲
調下一方以毛蟹殼燒存性米飲下亦有以早黃麻根燒灰為末米飲下

○論過服寒涼法當溫補

薛氏曰表弟方健甫內五十歲辛丑患血崩諸藥罔效壬寅八月身熱體痛頭暈涕出此痰少食眾作火治展轉發
熱絕粒數日余診之曰脾胃久虛過服寒藥中病未已寒病復起遂用八味丸料一服翌早遂索粥數匙再服食倍
熱減痛止乃服八味丸而愈癸卯秋因勞役憂怒甲辰夏病復作胸飽發熱脊痛腰疼神氣拂鬱或作中暑崩血便
血煩渴引飲粒米不進昏憤時作脉洪大按之微弱此無根之火內虛寒而外假熱也以十全大補加附子一劑遂
食粥三四匙崩血漸減日服八味丸始得全愈

大尹王天成之內久患崩自服四物涼血之劑或作或輟因怒發熱其血不止服前藥不應乃主降火更加腹脇大
痛手足俱冷余曰此脾胃虛寒所致先用附子理中湯體熱痛止又用濟生歸脾補中益氣二湯崩血頓愈若泥痛
無補法則誤矣

錦衣楊永興之內患前證過服寒涼之劑其證益甚更加肚腹痞悶飲食不入發熱煩躁脉洪大而虛余曰此脾經
氣血虛而發躁也當急用八珍湯加炮薑以溫補之緩則不救不信乃服止血降火之劑虛證蜂起始信余言緩不
及治矣

○論補中去積

東垣云丁未年冬郭大方來說其妻經水暴崩不止先曾殞身失血自後一次經數日而來今次不止其人心窄性
急多驚以予料之他日必因心氣不足飲食失節得之大方曰容到彼診得掌中寒脉沈細而緩間有沈數九數微

前是虛此是實

此即尤妙尤難

又得一種見解人嘗謂丹溪先生善治痰

既云心脾血虛自當並補乃下為治本即

論解得當至云心虛止用芎歸似未盡

善觀後案便得要旨

不利四枝無力上喘氣短促口鼻氣皆不調果有心氣不足飲食失節脾胃虛弱之證胃脘當心而痛在脇下急縮有積當臍有動氣腹中鳴下氣大便難諸虛證極多不能盡錄擬先治其本餘證可以皆去與安心定志鎮墜其驚調和脾胃大益元氣補其血脉養其心神以大熱之劑去其冬寒疑在皮膚少加生地黃去命門相火不令四肢痿弱製黃芪當歸人參湯

○論開痰行氣

丹溪云涎鬱胸中清氣不升故經脈壅遏而降下非開涎不足以行氣非氣升則血不能歸隧道此論血泄之義甚明蓋開胸膈濁涎則清氣升清氣升則血歸隧道不崩矣故其症或腹滿如孕或臍腹疝痛或血結成癥或血出則快止則悶或臍上動其治法宜開結痰行滯氣消汚血

○論殺血心痛

良方云婦人血崩而心痛苦名曰殺血心痛由心脾血虛也若小產去血過多而心痛甚者亦然用烏賊魚骨炒為末醋湯調下失笑散亦效

薛氏曰前證若陰血耗散用烏賊丸收斂之若瘀血不散用失笑散行散之若心血虛弱用芎歸湯補養之若鬱結傷血用歸脾湯調補之

一婦人血崩兼心痛三年矣諸藥不應每痛甚虛證悉具面色痿黃余曰心主血蓋由去血過多心無所養以致作痛宜用十全大補湯參朮倍之三十餘劑稍愈百餘劑全愈

○論崩漏雜治法

丹溪云崩漏有虛有熱虛則下溜熱則通流氣虛血虛者皆以四物湯加參芪因勞者用參芪加升補藥因寒者用乾薑因熱者用黃芩因漏下乃熱而虛四物湯加黃連因崩過多者先用五靈脂末一服當分寒熱蓋五靈脂能行能止○紫色成塊者血熱四物湯加黃連柴胡之類急則治其標用白芷湯調百草霜末甚者棕櫚間灰後用四物湯加炒黑薑調理

經驗簡要治崩中等訣 冷者脉緊細手足寒紅兼淡黑或五色當歸建中加白龍骨血竭附子下紫石英丸震靈

齊金 崩漏雜治法 開痰行氣 殺血心痛

按赤者血熱白者氣虛

減即小也

血藏肝肝氣不升則熱迫於下故血不能藏而崩也况厥陰之經環陰器而處孔前陰皆屬之則肝升肝氣香附理肝氣條芩除內熱四物生地芍藥養血涼血故皆取效
此方用熟地以補肝之母以阿膠黃芩益肝之氣艾葉溫下元以助真氣之升所謂陰從陽起也
洪虛者氣不足紫黑者血之熱黃芪所以補氣然氣盛則生大氣中之火熱地所以生血血生而不涼尤

丹炙火○熱者脉洪四肢溫心煩口苦燥熱血沸而成用黃芩湯荆芥散或清心蓮子飲加竹瀝生地黃汁甚者生地黃汁磨京墨百草霜冷服○虛者艾膠湯加麥門冬鹿茸龍骨酸棗仁或養榮湯加龍骨血竭送震靈丹○實者腹中痛養附丸四物湯加香附子心虛者恍惚多夢健忘舌強小便多面紅盜汗柏子仁湯酸棗仁湯加龍骨京墨百草霜吞靈砂丹又靈砂當歸蓮肉龍骨棗仁丸參湯送下崩中麝香當歸崩者心氣已散急服靈砂龍骨等○有田婦崩中斷下者用大蕪根酒煎清草服生麥中如蓬蒿花或云即刺根也
產寶分陰崩陽崩一受熱而赤謂之陽崩一受冷而白謂之陰崩

○脉法

脉經曰問血崩何等類師曰白崩者形如涕赤崩者形如絳津黃崩者形如爛瓜青崩者形如藍色黑崩者形如衄血也○寸口弦而大弦則為減大則為乳減則為寒乳則為虛寒虛相搏脉則為革婦人則半產漏下○尺脉急而弦大風邪入少陰之經女子漏白下赤○漏血下赤白不止脉小虛滑者生大緊實數者死○漏下赤白日久血數升脉急疾者死遲者生

○治血熱崩漏

荊芥四物湯 治崩漏初起不問虛實服之立止

當歸 川芎 白芍藥炒 生地黃 荊芥穗 條芩 香附子炒各一錢 右剉水煎服 如不

止加防風升麻白朮蒲黃 一方加地榆尤效 一方四物加芩連梔子黃柏 一方並加膠艾

奇效四物湯 治肝經虛熱血沸騰而久不止

當歸 酒洗 川芎 白芍藥炒 熟地黃 阿膠炒成珠 艾葉 黃芩炒各一錢 右剉水煎服

河間生地黃散 治經漏下血脉虛洪經水紫黑

生地黃 熟地黃 白芍藥 黃芪 枸杞子 天門冬去心 地骨皮 柴胡 右咬咀

水煎服 便血者加地榆

涼血地黃湯 治婦人血崩不止腎水陰虛不能鎮守胞絡相火故血走而崩也